

## **Scoil Chearbhaill Uí Dhálaigh**

### **BEARTAS TINRIMH 2010**

#### **RÉAMHRÁ**

Tá tradisiún sármhaith tinrimh, 95% ar an meán, i measc dhaltaí Scoil Uí Dhálaigh. Cibé ar bith, de bharr athruithe ar shochaí na tíre tá sé riachtanach go gcuirfí ina luí ar thuismitheoirí an gá a bhaineann le tinreamh rialta poncúil na ndaltaí agus iad a bheith lánnullamh d'obair na scoile. Tá sé mar chuspóir againn an dea-thinreamh a chothú agus a mholadh, chomh maith le daltaí a mbeadh fadhbanna tinrimh acu a aithint, agus tacaíocht a thabhairt dóibh sin chun an tinreamh a fheabhsú.

Cothaíonn tinreamh rialta ar scoil dea-nósanna rialtacht agus poncúlachta sa pháiste a bheidh ina mbunchlocha do shaol na meánscoile sa todhchaí agus san ionad oibre níos déanaí.

De réir an dlí, caithfidh páiste freastal go rialta ar scoil go dtí go mbíonn sé bliana déag d'aois sroichte aige/aici nó go mbíonn 3 bliana iarbhunoidreachais críochnaithe aige/aici.

#### **TUAIRISCIÚ**

Tá ceanglais ar gach scoil faoin **ACHT OIDEACHAIS (LEAS) 2000** maidir le tuairisciú don **mBORD NÁISIÚNTA LEASA OIDEACHAIS (BNLO)**

Tá de cheangal ar na scoileanna asláithreachtaí daltaí a thuairisciú, chomh mhaith leis cúiseanna na n-asláithreachtaí sin ionas gur féidir le hOifig Leasa Oideachais cinneadh a dhéanamh más gá, maidir leis an idirghabháil is oiriúnaí do leasa oideachais an pháiste sin.

Tá sé de dhualgas ar an scoil tuairisc a chur ar fáil faoi dhalta ar leith nuair

- ... a bhíonn dalta as láthair ar feadh 20 lá ar bhonn carnach
- ... a bhíonn inní ar Phríomhoide faoi thinreamh dalta
- ... a chinneann Bord Bainistíochta scoile dalta a dhíbirt as an scoil
- ... a bhíonn dalta 6 lá ar fionraí ón scoil ar bhonn carnach
- ... a chinntear go mbainfí ainm dalta de rolla na scoile, cibé cén fáth.

#### **RÓL na dTUISMITHEOIRÍ / na gCAOMHNÓIRÍ**

(Sa bheartas seo usáidtear an téarma 'tuismitheoir' ach tharlódh gur caomhnóir a bheadh i gceist i gcásanna áirithe.)

Iarrtar ar pháiste bheith ar scoil go rialta. Mar thuismitheoir, tá sé tábhachtach go gcuirfeá in iúl don scoil má bhíonn do pháiste as láthair, cúis na h-asláithreachta sin. Tá sé mar pholasaí ag an scoil go dtabharfaí na cúiseanna sin i scríbhinn. Leanann an scoil na cleachtais a luaitear san alt thuas. Más rud é go bhfuil an páiste breoite, nó go bhfuil cúis mhaith eile leis an asláithreacht, ní ghníomhóidh an BNLO. Ar an lámh eile, más rud é go bhfuil inní ann faoi fhreastal scoile an pháiste nó faoi na cúiseanna a thugtar leis an asláithreacht, tabharfaidh Oifigeach Leasa Oideachais (OLO) cuairt ort chun oideachas do

pháiste a phlé leat. Oibreoidh an tOifigeach leat agus cuirfear gach cúinse teaghlaiigh agus eile san áireamh sula ndéanfar aon chinneadh maidir le gníomhú, chun a chinntiú go bhfaigheann an páiste an t-oideachas atá de cheart aige/aici a fháil. Tá eolas faoin tseirbhís ar fáil ón líne Tacaíochta Oideachais Náisiúnta 1890 36 36 66. Is OLO a phléann leis an bpobal ar an líne tacaíochta seo.

Is fiú do thuismitheoirí an leabhrán “Ná bíodh do leanbh sa thíos leis” (BNLO) a léamh.

Gach eolas faoin mBNLO le fáil ar [www.newb.ie](http://www.newb.ie).

## **MAR A DHÉANTAR MONATÓIREACHT AR THINREAMH**

Breacraí tinreamh an dalta sa leabhar rolla idir 9.50 agus 10.00 gach lá: 40 nóiméad tar éis tosach theagaisc an lae.

Ní mór do thuismitheoirí nóta scríofa a chur ar fáil i gcás gach asláithreachta. Déanann an múinteoir taifead de gach nóta. Caithfear nóta mínithe, nó teastas dochtúra nuair is cuí a chur ar fáil i leith gach asláithreachta, luathfhágáil na scoile nó má an dalta déanach ar maidin, san áireamh. Tá sé de cheart ag scoil údarthacht na nótaí seo a cinntiú in am ar bith.

Déantar an leabhar rolla a mharcáil de réir córas na Roinne Oideachais agus Scileanna. Má bhíonn an dalta as láthair ag am rolla agus gan scéala faighte ag an scoil, marcálar as láthair é/í, (O). Ní féidir an marc seo a athrú.

Má thagann páiste ar scoil in am, agus nóta aige/aici go mbeidh sé/sí ag fágáil na scoile ar chúis ar bith (coinne leighis, scrúdú srl) agus go mbeidh an páiste ag filleadh ina dhiaidh cuirtear an marc (N) ar an rolla.

Má chuirtear in iúl don scoil go mbeidh páiste déanach mar gheall ar choinne nó ar chúis éigin eile ach go mbeidh sé i láthair níos déanaí, marcálar (N) ar an rolla. Mura dtagann an páiste ar scoil an lá sin, athraítear an marc (N) go triantán chun asláithreachta a chur in iúl.

Má tharlaíonn go bhféigean dalta an scoil gan chead cuirfear scéala láithreach chuig na tuismitheoirí ar bhonn práinne agus cuirfear an scéal in iúl don nGarda Síochána.

I gcás daltaí a thagann ar scoil ar a gconlán féin, deighleálar leo mar seo a leanas má thagann siad isteach déanach :

1. Tugann an t-oide ranga rabhadh ó bhéal don dalta gach uile uair go dtagann sé/sí ar scoil mall gan míniú i scríbhinn. Síniú an dalta an cóipleabhar speisialta do dhaltaí a thagann déanach. Bíonn sé seo ar fáil taobh amuigh d'oifig an rúnaí.
2. Má thugtar faoi deara patrún teacht déanach ar scoil gan míniú i scríbhinn .i. go mbíonn an dalta mall trí mhaidin in imeacht thréimhse míosa, scríobhann an t-oide ranga nóta i ndialann obair bhaile an dalta.
3. Má bhíonn an dalta mall arís ina dhiaidh sin .i. an ceathrú huair, seolann an príomhoide nóta abhaile chuig na tuismitheoirí maille le cóip a bheidh le síniú ag an tuismitheoir mar chruthú gur léigh siad an nóta.
4. Má leanann an patrún teacht déanach ar scoil ina dhiaidh sin, tabharfaidh an Príomhoide cuireadh do na tuismitheoirí teacht chun na scoile chun an fhadhb a phlé agus chun iarracht a dhéanamh teacht ar a réiteach.

Is ionann bheith déanach agus teacht ar scoil tar éis 9.10 r.n.

## **CUMARSÁID LEIS AN TUISMITHEOIRÍ/CAOMHNÓIRÍ**

Nuair a bhíonn tinreamh dalta inaábhair inní don scoil déanann an scoil teagmháil foirmeálta leis na tuismitheoirí mar seo a leanas :

- (a) Glao gutháin ón scoil chuig na tuismitheoirí má bhíonn 5 lá scoile as a chéile caillte ag an dalta.
- (b) Sa chás go mbíonn dalta as láthair 6 lá scoile as a chéile gan leithscéal, cuirfear nóta chuig na tuismitheoirí ina dtabharfar cuireadh dóibh teacht chun na scoile chun na hasláithreachtaí a phlé leis an bpríomhoide agus chun plean a chur le chéile chun an fhadhb a réiteach.
- (c) Sa chás go mbíonn páiste as láthair níos mó ná 15 lá as 20 lá scoile gan míniú sásúil cuirfear nóta chuig na tuismitheoirí trín bpost cláráithe ag tabhairt cuirthe dó/dí/dóibh teacht chun na scoile chun an fhadhb a phlé chun teacht ar réiteach agus ag meabhrú go mbeidh sé de dhualgas ar an scoil an cás a chur chuig an BNLO má bhíonn an dalta as láthair 20 lá ar bhonn carnach.

Nóta :

Ní mór a rá anseo nach gcuirtear aon phionós ar pháiste mar gheall ar athláithreachtaí nó i gcás neamhphoncúlachta nach mbíonn neart acu air.

## **COTHÚ AN DEA-THINRIMH AGUS NA PONCÚLACHTA**

- ... Déantar páistí a mholadh go rialta ar bhealach foirmeálta agus go neamhfhoirmeálta as dea-thinreamh. Déantar sin ar bhealach neamhiomaíoch caoin cneasta le nach gcuirtear náire ar dhaltaí a bhíonn as láthair ar chúiseanna dlisteannacha nó ar chúiseanna nach mbíonn neart acu féin orthu.
- ... Tugtar duaiseanna do pháistí as tinreamh iomlán don bhliain, má bíonn a leithéid i gceist. Mura mbíonn lántinreamh ag aon dalta, tugtar aitheantas dóibh siúd is fearr tinrimh.
- ... Iarrtar ar thuismitheoirí gan laethanta saoire a bheartú le linn laethanta scoile chun nach gcuirtear isteach ar leanúnachas na foghlama nó ar obair i ngrúpaí a bheadh ar siúl sa rang. Níl aon dualgas ar mhuinteoirí obair scoile a thabhairt don dalta le déanamh le linn asláithreachta.

## **FOCAL SCOIR**

Meabhraítear do thuismitheoirí gur chóir an beartas seo léamh i gcomhair leis an leabhrán scoile.

Dréachtadh an beartas seo i gcomhairle leis an bPríomhoide agus le múinteoirí na scoile. Tíocfaidh sé i bhfeidhm ar an 1/6/10. Déanfar athbhreithniú air sa scoilbhliain 2012/13 nó níos luaithe má's léir go mbíonn sin riachtanach.

**Arna shíniú ag.....**

**Cathaoirleach an Bhord Bainistíochta**

**Dáta.....**